

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO – TUŽITELJSTVO
ZENIČKO-DOBOJSKOG KANTONA**

**Broj: T04 0 KT 0061194 24
Zenica, 27.11.2024. godine**

**OPĆINSKOM SUDU U ZENICI
ZENICA**

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

O P T U Ž N I C U

Protiv:

Č. E., osuđivan presudom Općinskog suda u Zenici od 29.06.2013. godine za krivično djelo iz člana 293. stav 1. KZ F BiH na kaznu zatvora u trajanju od 2 mjeseca, uslov jedna godina, presudom Općinskog suda u Zenici od 07.04.2017. godine za krivično djelo iz člana 286. stav 1. u vezi sa članom 31. KZ F BiH na kaznu zatvora u trajanju od 2 mjeseca, uslov jedna godina, presudom Općinskog suda u Zenici od 03.04.2019. godine za krivično djelo iz člana 336. stav 3. u vezi sa članom 332. stav 2. KZ F BiH na kaznu zatvora u trajanju od 6 mjeseci, uslov dvije godine, presudom Općinskog suda u Zenici od 23.03.2020. godine za krivično djelo iz člana 358. stav 3. i 1. KZ F BiH na kaznu zatvora u trajanju od 6 mjeseci i presudom Općinskog suda u Zenici od 20.05.2020. godine za krivično djelo iz člana 174. KZ F BiH na kaznu zatvora u trajanju od 3 mjeseca, **nalazi se u pritvoru po Rješenju Općinskog suda od 06.11.2024. godine, a koji se računa od momenta lišenja slobode i to od dana 05.11.2024. godine do 05.12.2024. godine**

što je:

Dana 04.11.2024. godine, oko 22,33 sati, na području grada Zenica, u ulici B., upravljajući motociklom marke „Malaguti Madison“, reg. oznaka M., sa koncentracijom alkohola u organizmu od 1,77 promila, kada je zaustavljen i kontrolisan od strane policijskih službenika PU I Zenica, koji su obavljali poslove javne sigurnosti T. S. i B. E., silom spriječio u obavljanju poslova službene radnje koju su preduzeli u okviru svojih ovlasti, na način da je, nakon što mu je saopšteno da će biti lišen slobode, priveden i zadržan u službenim prostorijama, jer kod sebe nije posjedovao potrebne dokumente, te je utvrđeno prisustvo alkohola u organizmu, iznenada ponovo sjeo na motociklo i isti stavio u pogon, kada mu je policijski službenik T.S. izdao naredbu da se odmah zaustavi, na što se isti oglušio, te krenuo motociklom da se udaljava sa lica mjesta, te tom prilikom prednjim točkom motocikla prešao preko stopala desne noge policijskog službenika T. S., kojeg je istovremeno guernalom motocikla udario u predjelu desne ruke uslijed čega mu je poderao desno narukavlje (bijelu fluorescentnu opremu), a potom prednjim dijelom motocikla udario u potkoljenu desne noge policijskog službenika B. E.,

svjestan i znajući da na taj način silom sprječava navedene policijske službenike u vršenju poslova javne sigurnosti, te u njegovom lišenju slobode, što je i htio, pa je postupajući na taj način uspio da se udalji sa lica mjesta i pobjegne i na taj način spriječio navedene policijske službenike u vršenju poslova javne sigurnosti i u njegovom lišenju slobode,

dakle, silom spriječio službenu osobu u vršenju službene radnje pri obavljanju poslova javne sigurnosti,

čime je počinio krivično djelo sprečavanje službene osobe u vršenju službene radnje iz člana 358. stav 3. u vezi sa stavom 1. KZ F BiH.